Ich vlman vogt ze werdenberg. 2kund vnd vergich offenlich an disem brief allen den die in ansehent oder hörent Lesen daz ich ze / gericht sass ze fadutz, in dem dorff an offen des Richs strâss an dem nåchsten måntag ze Ingåndem aberellen von Gnaden vnd / gewaltz wegen dez Edlen wolerbornen mins Gnådigen herren Gråff hainrichs von werdenberg von Sangâns do kam für mich vnd für / offen verbannen gericht mit fürsprechen die wolbeschaidenn frow Cylia die Marschalkin4 vnd offnet si het etwz ze schaffent / darzů si aines vogtz bedőrft vnd noturftig wår vnd bat ir ze ervarent wie si sich bevogten möht als es wol kraft / vnd macht hân möht dez fragt ich obgenanter Richter vrtail vmb do ward von vil erberen Lûten ainhellklich vnzerworffenlich / ertailt dz si dz wol tun moht mit ir nachsten vattermag oder ir nåchsten frund wår, aber dz si die ietz nit gehân moht / daz si sich denn wol bevogten moht mit ainem jeglichen biderman wen si erbitten moht vnd wz si denn tun oder schaffen / welt dz och dz denn wol kraft han möht nu vnd hie nach da het si gern ir vatter mag oder frund gehept der aber si nit gehan / moht vnd erbat ôch do die selb frow den wolbeschaiden hansen vaistlin⁵ von fadutz der och do ir rechter vogt ward mit / miner hand wie recht vnd Vrtail geben hat vnd do si sich alsuss bevogtet hat als recht was Do stund die selb frow / Cyliya Marschalkin4 mit dem selben ir vogt vnd mit ir fürsprechen für offen verbannen gericht vnd sprach si het sich / verdaht mit güter williger vorbetrachtung gesundes libes vnd mutes Daz si dem Edeln wolerbornen minem Gnådigen herren / Graff hainrichen von werdenberg von Sangâns herr ze fadutz¹ vnd der Edlen wolerbornen miner Gnådigen frowen fro katherinvn⁶ von werdenberg dez selben mins herren elichen husfrowen vfgeben vnd ze rechtem Luterm aigen geben welt alles ir gut vnd / mit namen was si het vnd gelaisten moht oder si noch anvieli vnd got berieti von wem oder wie dz war Ez war Ligentz oder / varentz gut aigen oder lehen Pfantschaft oder ander gut wa dz war vnd wie dz genant vnd gehaissen war benemptz vnd ôch / vnbenemptz besüchtz vnd vnbesüchtz vnd mit namen alles dz gůt so si von ir swöster seligen der Bürsterinvn von lindow⁷ er erbt hât vnd / ôch dz si vnd die selben ir Swöster seligen an gevallen ist von Erbs wegen von iro frund dietegan Marschalk4 seligen doch also dz / die selben min herr vnd ôch min frow vnd iro elichů kind ob sy die Got iemer bi enander beriet daz selb ir gut alles mitenander / jetz vnd nu hinnanhin ewklich Jnnhân vnd niessen besetzen vnd entsetzen sond wie sû wend als ander iro aigen gût ân aller / Jr oder ir erben widerred sumung vnd Jrrung wenn aber die selben min herr vnd min frow abgegangen warint von todes wegen / daz Got lang wend an elichű kind so sy bi enander hettind dz denn dz selb ir gůt alles mitenander hin